

儀禮註疏卷第一

漢鄭氏註

唐賈公彥疏

士冠禮第一

○冠古亂反

○鄭目錄云童子任職居士位

年二十而冠主人玄冠朝服則是仕於諸侯天子之  
士朝服皮弁素積古者四民世事士之子恆爲士冠  
禮於五禮屬嘉禮大小戴及別錄此皆第一

**釋**

鄭曰

童子任職居士位年二十而冠爲士身加冠知者鄭  
見下昏禮及士相見皆據士身自昏自相見又大戴  
禮公冠篇及下諸侯有冠禮夏之末造亦據諸侯身  
自加冠故鄭據士身自加冠爲目也鄭云四民世事

東京大學  
東洋文化研究所所藏  
漢籍善本全文影像資料庫

書名 儀禮註疏十七卷  
撰者 漢 鄭玄 注, 唐 陸德明 音義, 唐 賈公彥 疏  
卷 卷首  
內容分類 經-禮-儀禮-唐  
索書號 經部-彙刻-1  
編號 A212500

[彩色首頁1](#)

[東洋文化研究所漢籍目錄](#) 編號: A212500

[東洋文化研究所漢籍目錄所藏漢籍善本全文影像資料庫](#) 索書號: 經部-彙刻-1

[漢籍善本全文影像資料庫](#) 文本 [儀禮註疏十七卷](#)

版權所有: [東京大學](#) [東洋文化研究所](#)

[使用上的注意事項](#)

東方文化學院東京研究所

No. 2390

三八

0 1 2 3 4 5 6 7 8 9 10 1 2 3 4 5 6 7 8 9 10





儀禮註疏序

唐朝散大夫行太學博士弘文館學士臣賈公彥撰

儀禮道本沖虛非言無以表其疏言有微妙非釋無能

信其理是知聖人言曲事資註釋而成至於周禮儀禮

發源是一理有終始分爲二部竝是周公攝政太平之

書周禮爲末儀禮爲本本則難明末便易曉是以周禮

註者則有多門儀禮所註後鄭而已其爲章疏則有二

家信都黃慶者齊之盛德李孟愬者隋曰碩儒慶則舉

大略小經註疏漏猶登山遠望而近不知愬則舉小略

儀禮疏  
大經註稍周似入室近觀而遠不察二家之疏互有修  
短時之所尚李則爲先按士冠三加有緇布冠皮弁爵  
弁旣冠又著玄冠見於君有此四種之冠故記人下陳  
緇布冠委貌周弁以釋經之四種經之與記都無天子  
冠法而李云委貌與弁皆天子始冠之冠李之謬也喪  
服一篇凶禮之要是以南北二家章疏甚多時之所以  
皆資黃氏按鄭註喪服引禮記檀弓云經之言實也明  
孝子有忠實之心故爲制此服焉則經之所作表心明  
矣而黃氏妄云衰以表心經以表首以黃氏公違鄭註

黃之謬也黃李之訓略言其一餘足見矣今以先儒失  
路後空易塗故悉鄙情聊裁此疏未敢專欲以諸家爲  
本擇善而從兼增已義仍取四門助教李玄植詳論可  
否僉謀已定庶可施矣函丈之儒青衿之俊幸以玄瑕  
取玦得無譏焉

儀禮註疏序終

儀禮註疏卷第一

漢鄭氏註

唐賈公彥疏

士冠禮第一

○冠古亂反

○鄭目錄云童子任職居士位

年二十而冠主人玄冠朝服則是仕於諸侯天子之  
士朝服皮弁素積古者四民世事士之子恆為士冠  
禮於五禮屬嘉禮大小戴及別錄此皆第一

**疏**釋曰鄭云

童子任職居士位年二十而冠為士身加冠知者鄭  
見下昏禮及士相見皆據士身自昏自相見又大戴  
禮公冠篇及下諸侯有冠禮夏之末造亦據諸侯身  
自加冠故鄭據士身自加冠為目也鄭云四民世事

